

FILED

DEC 22 2017



ASST. CLERK OF COURTS
REPUBLIC OF THE MARSHALL ISLANDS

**IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS**

HIROSHI V. YAMAMURA,)
)
Plaintiff,)
)
VS)
)
HELEN aka ERBEJ BINEJAL)
)
Defendant,)
)
_____)

HIGH COURT CIVIL ACTION 2012-077

KOLMENLOKJEN IM UAAK EO
AN TRADITIONAL RIGHTS COURT EO

RO UAAN PANEL EO:

Walter K. Elbon, Presiding Judge, TRC
Nixon David, Judge, TRC
Grace Leban Judge, TRC

RAN IN RONJAKE EO: September 5, 6, 7, 8 and 22, 2017.

JIKIN RONJAKE EO:: Uliga Village, Majuro Courethouse.

IAKWELEL KO AN PARTY KO: Iakwelel ko ikotan party kein ej kin won eo ekkar bwe en kabjor maron eo an alap ilo Erkup Atoll, Marshall Islands. Bareinwot elane Erkup Atoll ej Imon. Bwij ke ak Imon Botoktok.

KAJJITOK KO KAR JAKIMANTAK NAN TRADITIONAL RIGHTS COURT EO:

1. Won ian rein Hiroshi V. Yamamura im Helen Binejal, at eo juon Erbej Binejal em ekkar im jejet nan mantin Marshall bwe en e eo ekkar im jimwe bwe en kabjor maron eo an Alap nan jikin ko ilo Erkup Atoll, Marshall Islands?

2. Ilo an eindrein, jikin ko ilo Erkup Atoll rej Imon Bwij ke ak Imon Botoktok?

UWAAK:

Uwaak nan kajjitok No. 1. Hiroshi V Yamamura

Uwaak nan kajjitok No. 2. Jikin ko ilo case in Imon Bwij

MELELE KO IM UWAAK KEIN REJ BEDBED IOEIR: Ilo kar ien ronjake eo an kar case in ear lon kein kamool ko im nan in kamol ko jen kajojo party ko. Riabnono ro im Rijumae abnono ro rar jimor erra ilo Menmenbwij eo kar jake mantak einwot kein kamol. Kein kamol Plaitiff Exhibit "A", Menmenbwij eo im ear ejjelok jumae nae ej kalikar bwe Hiroshi Yamamura einwot juon Manmaronron nan family eo an Carmen, jinen im Mejjet jibwin, ekkar im jejet bwe en kabjor maron eo an Alap.

Plaintiff kein kamol Exhibit "A" ej kalikar bwe jikin ko ilo Erkup Atoll im konono kaki ilo case in rej Imon Bwij ekkar nan Menmenbwij in Plaintiff Exhibit "A". Einwot an ellajrak ilo Menmenbwij in im ear ejjelok jumae, Keju (emmaan) ear kabjor maron eo an Alap. Keju ear wor ruo jatin kora. Etaeir Litarbo im eo edriklok ej Lijelik. Ekkar nan mantin Marshall kora im ro nejeir rej jolete maron eo an Alap einwot bwij. Emmaan im ro nejeir rej jolete maron eo an Rijerbal einwot botoktok. Litarbo im ro nejin rej bwij eo eritto im Lijelik im ro nejin rej bwij eo

edrik. \

Keju, Litarbo im Lijelik rej aolep ber ilo line ak lajrak in alap. Keju ear alap kinke eritto jen Litarbo im Lijelik. Elane ear drik jen erro enaj kar Manm,aronron nan erro. Labwidrik ear alap kinke ej nejin Litarbo, kora bwij eo eritto ejjab kin botoktok. Labwidrik wot iaan ro nejin Litarbo ear wor nejin einwot emmaan im kora. Mejjit, kora, Menini, emmaan, Capitol, emmaan. Lijelik ear wor nejin emmaan im kora ijowotke kora ro nejin ear ejjelok nejjeir. Emmaan ro nejin Lijelik, Lojeje im Lojen, einwot an walok ilo Menmenbwij eo, ear wor nejjeirro.

Labwidrik einwot jen bwij eo eritto ejimwe im ekkar bwe en kar alap. Labwidrik ewor nejin emmaan im kora. Mejjit, (kora) Menini, (emmaan) eo ej jemen defendant Helen Erbej Binejal im Capitol, (emmaan). Ro nejin Labwidrik ekkar bwe ren kar kabjor maron eo an alap. Ro nejin Mejjit einwot nejin kora renaj wonmanlok wot ilo lajrak einwot bwij. Ro nejin Meniini im Capitol renaj wonmanlok wot einwot Rijerbal ak botoktok. Panel eo ilo an kar etale kein kamol ko kar buki ilo kar ien ronjake eo ear lo bwe kein kamol Plaintiff Exhibit "A" Menmenbwij eo ej kalikar bwe jikin ko ilo Erkup Atoll konono kaki ilo case in rej imon bwij im ekkar bwe Hiroshi Yamumura, jibwin Mejjit (kora) im nejin Carmen (kora) en kabjor maron eo an alap einwot manmaronron, ilo tore in im ej mour wot kora eo jein.

Plaintiff Exhibit "H" Transcript H/C Civil Action No. 1993-028 Irojlaplap Murjel Hermios ear kile Mejjit einwot alap an jikin ko ilo Erkup Atoll. Plaintiff Exhibit "F" nan in kamol ko an Ajnet Hermios, kora eo kar ibben late Irojlaplap Murjel Hermios eo im ear ber iturin Irojlaplap Murjel Hermios einwot juon riturin ej ba ilo nan in kamol ko an bwe Iroj Laplap Murjel Hermios ear jab kile Helen Erbej Binejal bwe ej alap ak ear kile Mejjit im ro nejin

ilo bwij eo.

ETAN DRI KAMOL RO AN DRI ABNONO:

1. Hdiroshi V. Yamamura
2. Justina Neko Yamamura

ETAN DRI KAMOL RO AN DRI JUMAE ABNONO;

1. Helen Binejal
2. Boklon Zackios
3. Litokwa Toming

KEIN KAMOL KO KAR BUKI:


1. Plaintiff Exhibit "A" Menmenbwij
2. Plaintiff Exhibit "B" Statement from land management
3. Plaintiff Exhibit "C" Kalimur for Likej Weto
4. Plaintiff Exhibit "D" Adffidavit of Mejjdit Labwidrik
5. Plaintiff Exhibit "E" Tdekla DeBrum kallimur
6. Plaintiff Exhibit "F" Adffidavit an Ajnet Hermios
7. Plaintiff Exhibit "G" Map an Erkup
8. Plaintiff Exhibit "H" Transcript
9. Plaintiff Exhibit "I" Objection to conveyance of alap Right
10. Plaintiff Exhibit "J" Bidrth Certificate of Mela Menini

WAWEN KO JET IM TRC PANEL EO EJ TOMAK BWE REJ AIKUJ WALOK NAN MELELE:

Ilo nan in kilok eo an defendant eo rar konono kin High Court Civil Action No. 2008-221, Jacob v Hermios and Kendall. Panel eo an TRC eo im ear ronjake im etale High Court Civil Action No. 2008-221, ear bedbede uwaak im opinion eo an ilo Plaintiff Exhibit B, Menmenbwij eo an Lijelik im family eo an. Ilo High Court Civil Action 2012-077, panel eo eo ear ronjake im etale case in ear bedbed wot ion uwaak im opinion eo an ilo Plaintiff Exhibit "A", Menmenbwij eo im e dedelok im ejjelok kar jumae eo ej kwalok bwe ewor ruo rerritolok jen Lijelik. Einwot an walok im ellajrak ilo plaintiff Exhibit "A" Civil Actuin No.

2012-077, Keju, emmaan, Litarbo, kora im Lijelik, kora.

Ran:



Walter K Elbon
Presiding Judge, TRC



Nixon David
Judge an TRC panel eo



Grace Leban
Judge an TRC panel eo